



FARG'ONA VILOYATI QUVASOY SHAHAR HOKIMI Q A R O R I

2024 - yil 15 - yanvar

13-11-167-Q/24

Quvasoy shahar hokimligi

Quvasoy shahrida mavjud yer resurslarining holati, yer toifalari, yer uchastkalarining egalari, yerdan foydalanuvchilar, ijarachilar va mulkdorlari hamda yer turlari bo'yicha taqsimlanishi yuzasidan 2024-yil 1-yanvar holatiga bo'lgan yer hisobotini tasdiqlash to'g'risida

O'zbekiston Respublikasi "Davlat Yer kadastri" to'g'risidagi Qonunning 10 va 11-moddalari hamda O'zbekiston Respublikasi Vazirlar Mahkamasining 2021-yil 22-iyundagi "Davlat kadastrlarini yuritish sohasini tartibga soluvchi ayrim normativ-huquqiy hujjatlarni tasdiqlash to'g'risida"gi 389-sonli hamda 2023-yil 30-oktabrdagi "Yer resurslarining holati bo'yicha milliy hisobotni yuritish tartibi to'g'risidagi Nizomni tasdiqlash haqida"gi 578-sonli qarorlariga muvofiq Davlat kadastrlari palatasi Quvasoy shahar filiali tomonidan tayyorlangan **shahardagi mavjud yer resurslarining holati, yer toifalari, yer uchastkalarining egalari, yerdan foydalanuvchilar, ijarachilar va mulkdorlari hamda yer turlari bo'yicha taqsimlanishi yuzasidan 2024-yil 1-yanvar holatiga bo'lgan yer hisobotini** ko'rib chiqib, O'zbekiston Respublikasi "Yer kodeksi"ning 6-moddasi, "Mahalliy davlat hokimiyati to'g'risida"gi Qonunning 6, 10-moddalariga asosan

Q A R O R Q I L A M A N:

1. Shahardagi mavjud yer resurslarining holati, yer toifalari, yer uchastkalarining egalari, yerdan foydalanuvchilar, ijarachilar va mulkdorlari hamda yer turlari bo'yicha taqsimlanishi yuzasidan 2024-yil 1-yanvar holatiga bo'lgan yer hisoboti ilovada ko'rsatilgan ko'rsatkichlar bo'yicha tasdiqlansin.

2. Shahar Moliya va iqtisodiyot bo'limi, Kadastr agentligi shahar bo'limi, Davlat soliq inspeksiyasi shahar bo'limi, shahar Statistika bo'limi, shahar Qishloq xo'jaligi bo'limi hamda daxldor tashkilotlar rahbarlariga:

mavjud yer resurslaridan belgilangan maqsadda, oqilona va samarali foydalanish, yerlarni muhofaza qilish ustidan davlat nazoratini amalga oshirish, ayniqsa qishloq xo'jaligida foydalaniladigan mavjud yer maydonlarini amaldagi qonunlar doirasida muntazam muhofaza qilinishini ta'minlash;

foydalanishdagi yer maydonlarini qonun doirasida himoya qilish va talon-tarojlikdan saqlashga alohida e'tibor qaratish, noqonuniy holatlar aniqlangan holatda aybdorlarga nisbatan keskin choralar ko'rish tadbirlarini belgilash;

yer uchastkasiga bo'lgan huquqlarning davlat ro'yxatidan o'tkazilishini ta'minlashga va yer uchastkalarini o'zboshimchalik bilan egallab olinishiga yo'l qo'ymaslikka qaratilgan samarali nazoratni amalga oshirilishini ta'minlash vazifalari yuklatilsin.

3. Davlat kadastrlari palatasi Farg'ona viloyati boshqarmasi Quvasoy shahar filiali (O.Xamraliyev)ga:

yer qonunchiligiga amal qilgan holda shahar bo'yicha yer kadastrini hisobotlarini yuritilishi ustidan nazorat o'rnatilsin;

2024-yil davomida yer uchastkalari egalari, yerdan foydalanuvchilar, ijarachilar va mulkdorlar murojaatlari asosida davlat yer kadastrini yuritishda (yer uchastkalari tarkibida va undan foydalanishda) yuz bergan o'zgarishlar to'g'risidagi ma'lumotlarni hisobga olib borish va umumlashtirish vazifasi yuklatilsin.

4. Mazkur qarorning bajarilishini nazorat qilish shahar hokimining birinchi o'rinbosari X.Xoldorov zimmasiga yuklatilsin.

5. Ushbu qarorning tasdig'i viloyat hokimligidan so'zalsin.

Shahar hokimi



Z.K.To'rakulov

Quvasoy shahar hokimining
2024-yil 15-yanvardagi
13-11-167-Q/24-son qaroriga
1-ilova

Mavjud yer egalari va yerdan foydalanuvchilarning qishloq xo‘jalik yer turlari va ularning taqsimlanishi bo‘yicha 2024-yil 1-yanvarga bo‘lgan

HISOBOTI

T/r	Yer egalari va yerdan foydalanuvchilar bo‘yicha yer taqsimoti	gektar
1	Jamoa xo‘jaliklari va qishloq xo‘jalik kooperativ(shirkat)lar	20997
2	Boshqa vazirliklar, tashkilotlar, korxonalarqa qarashli yerlar	1170
3	Qishloq xo‘jalik ilmiy – tekshiruv muassasalari va o‘quv yurtlari	9
4	Yordamchi qishloq xo‘jalik korxonalari	351
5	Xususiylashtirilgan fermalar	155
6	Jami qishloq xo‘jalik korxonalari va tashkilotlar egalik qiladigan xamda vaqtincha foydalanadigan yerlar	22681
	Shu jumladan: ijaradagi fermer xo‘jaliklar ijaradagi dehqon xo‘jaliklar	13846
7	Zaxira yerlar	820
8	O‘rmon xo‘jalik korxonalari	21
9	Axoli yashash joylari (shaxar va shaxar turidagi qishloqlar)	792
10	Sanoat, transport, mudofaa, aloqa va boshqa maqsadlar uchun belgilangan yerlar	856
11	Tabiatni muhofazasi, sog‘lomlashtirish, rekreatsion va tarixiy-madaniy axamiyatga ega yerlar	37
12	Gidrotexnik va boshqa suv inshootlari uchun ajratilgan xamda kanal bo‘yidagi yerlar	260
13	Jami yerlar	25467
	II. Yer turkumlari bo‘yicha taqsimlanishi	
1	Ekin yerlar	6137
2	Ko‘p yillik daraxtzorlar	7174
	Shundan: Bog‘lar:	6975
	Uzumzorlar	132
	Tutzorlar	67
	Mevali ko‘chatzorlar	-
3	Jami yaylovlar	30
	Shundan sug‘oriladigani	30

4	Jami qishloq xo'jalik yer turlari	13341
	Shundan sug'oriladigani	13341
5	Jami tomorqa yerlari	1918
	Shundan sug'oriladigani	1487
6	Bog'dorchilik va sabzavotchilik uyushmalarining yerlar	229
7	Meliorativ qurilish xolatidagi yerlar	65
8	Jami o'rmonzorlar	98
9	Jami foydalanilmaydigan yerlar	9816